

本草宗原集說

印刷品

福建中医学院图书馆

地址：福州市模兜

本草崇原集說卷下

錢塘張志聰隱菴註釋

餘杭逆邪氣寒濕踈

同邑高世栻士宗纂集

歸安王紹庸羹梅參校

同邑仲學輅昴庭集說

慈谿林良琦舒青

本經下品

經讀邪氣下多
溫中二字其病
證之坐次亦與
此稍異

附子氣味辛溫有大毒主治風寒欬逆邪氣寒濕踈
蹇拘攣膝痛不能行步破癥堅積聚血瘕金瘡

附子以蜀

地綿州出者為良他處雖有力薄不堪用也綿州
領縣八惟彰明出附子彰明領鄉二十惟赤水廉
水昌明會昌四鄉出附子而又推赤水一鄉出者
為最佳其初種而成者為烏頭形如烏鳥之頭也
其附母根而生雖相須實不相連者為附子如子
附母也旁生支出而小者名側子種而獨生無所

本草綱目卷一
附長三四寸者名天雄。附子之形以蹲坐正節而側。子少者爲上有節多乳者次之。形不正而傷缺風皺者爲下。其色以花白者爲上。黑色者次之。青色者爲下。俗呼黑附子。正以其色黑兼以別於白附子之名耳。

崇原附子稟雄壯之質。具溫熱之性。故有大毒。本經下品之藥。大毒有毒者居多。素問所謂毒藥攻邪也。夫攻其邪而正氣復。是攻之卽所以補之。附子味辛性溫。生於彰明赤水。是稟大熱之氣而益太陽之標。陽助少陽之火熱者也。太陽陽熱之氣不循行於通體之皮毛。則有風寒欬逆之邪氣。附子益太陽之標陽。故能治也。少陽火熱之氣不游行。

於肌關之骨節。則有寒濕踈痺拘攣膝痛不能行步之證。附子助少陽之火熱。故能治也。癥堅積聚。陽氣虛而寒氣內凝也。血瘕乃陰血聚而爲瘕。金瘡乃刀斧傷而潰爛。附子具溫熱之氣以散陰寒。稟陽火之氣以長肌肉。故皆治之。○經云。草生五色。五色之變不可勝視。草生五味。五味之美不可勝極。天食人以五氣。地食人以五味。故在天時宜司歲備物。在地利有五方五土之宜。附子以產彰明赤水者。爲得地土之專精。夫太陽之陽。天一之水也。生於膀胱水府而彰明於上。少陽之陽。地二

之火也。生於下焦之火。而赤日行天。據所出之地。曰彰明。曰赤水者。蓋亦有巧符者矣。學者欲知物性之精微。而五方生產之宜。與先聖命名之意。亦當體認毋忽。○今陝西亦蒔植附子。謂之西附。性辛溫而力稍薄。不如生於川中者。土厚而力雄。又今藥肆中零賣製熟附子。皆西附之類。蓋川附價高。市利者皆整賣。不切片賣。用者須知之。又曰。凡人火氣內衰。陽氣外馳。急用炮熟附子。助火之原。使神機上行而不下。殞環行而不外。脫治之於微。奏功頗易。奈世醫不明醫理。不識病機。必至脉脫。

若而人者惻隱
羞惡辭讓是非
之心安在哉

此指火氣內衰
者而言

厥冷神去魄存。方謂宜用附子。夫附子治病者也。何能治命。甚至終身行醫。而終身視附子爲蛇蝎。每告人曰。附子不可服。服之必發狂。而九竅流血。服之必發火。而癰毒頓生。服之必內爛五藏。今年服之。明年毒發。嗟嗟。以若醫而遇附子之證。何以治之。肯後利輕名。而自謝不及乎。肯自居庸淺。而薦賢以補救乎。必至今日藥之。明日藥之。神氣已變。然後覆之。斯時雖有仙丹。莫之能救。賢者於此。或具熱衷。不忍立而視其死。間投附子以救之。投之而效。功也。投之不效。亦非後人之過。前醫惟恐

經讀云每個剖
作四塊用滾水
俟溫泡三日水
一日一換去鹹
味晒半燥剖十
六塊於銅器內

後醫奏功祇幸其死死後推過謂其死由飲附子而死噫若輩而有良心者乎醫不通經旨牛馬而襟裾醫云乎哉又曰附子本身重至一兩餘者方爲有力側子分兩須除去之士人欲增分兩用木杯將側子敲平於上故連側子須有一兩五六錢者纔好土人又恐南方得種生時以戎鹽醃之然後入杯敲平是附子本無鹹味而以鹽醃之故鹹也製附子之法以刀削去皮臍每個剖作四塊切片用滾水連泡二次去鹽味毒味晒半燥於銅器內炒熟用之蓋上古司歲備物火氣司歲則備溫

炒熟用之

熱之藥。經曰司歲備物。專精者也。非司歲備物氣散者也。後世不能如上古之預備。故有附子火炮之說。近世皆以童便煮之。乃因訛傳訛。習焉不察耳。

經讀

素問謂以毒藥攻邪。是回生妙手。後人立補養

等法。是模稜巧術。究竟攻其邪而正氣復。是攻之卽所以補之也。附子味辛氣溫。火性迅發。無所不到。故爲回陽救逆第一品藥。經云風寒欬逆邪氣是寒邪之逆於上焦也。寒濕踈痺拘攣膝痛不能行步。是寒邪着於下焦筋骨也。癥堅積聚血癥。是

此段專爲仲景
附子等方而發
以明附子之性
功學者欲知某
症如何用附子
如何配藥成方
非與傷寒論會
通不可

寒氣凝結血滯於中也。考大觀本。欬逆邪氣句。下有溫中金瘡四字。以中寒得煖而溫。血肉得煖而合也。大意上而心肺。下而肝腎。中而脾胃。以及血肉筋骨營衛。因寒濕而病者。無有不宜。卽陽氣不足。寒自內生。大汗大瀉大喘。中風卒倒等症。亦必仗此大氣大力之品。方可挽回。此本經言外意也。又曰。附子主寒濕。諸家俱能解到。而仲景用之。則化而不可知之。之謂神。且夫人之所以生者。陽也。亡陽則死。亡字分二義。一無方切。音忘。逃也。卽春秋傳出亡之義也。一微夫切。音无。無也。論語亡而

爲有孟子問有餘曰亡矣之義也。誤藥大汗不止
爲亡陽。如唐之幸蜀。仲景用四逆湯。真武湯等法
以迎之。吐利厥冷爲亡陽。如周之守府。仲景用通
脈四逆湯。薑附湯以救之。且太陽之標陽外呈而
發熱。附子能使之交於少陰而熱已。少陰之神機
病。附子能使自下而上而脈生。周行通達而厥愈。
合苦甘之芍草而補虛。合苦淡之苓芍而溫固。元
妙不能盡述。按其立法與本經之說不同。豈仲景
之辨見與。然本經謂氣味辛溫有大毒七字。仲景
卽於此悟出附子大功用。溫得東方風木之氣而

溫之至則爲熱。內經所謂少陰之上君火主之是也。辛爲西方燥金之味。而辛之至則反潤。內經所謂辛以潤之是也。凡物性之偏處則毒偏而至於無可加處則大毒。因大毒二字。知附子之溫爲至極。辛爲至極也。仲景用附子之溫有二法。雜於芍芍甘草中。雜於地黃澤瀉中。如冬日可愛。補虛法也。佐以桂薑之熱。佐以麻辛之雄。如夏日可畏。救陽法也。用附子之辛亦有三法。桂枝附子湯。桂枝附子去桂加白朮湯。甘草附子湯。辛燥以祛除風濕也。附子湯。芍藥甘草附子湯。辛潤以溫補水藏。

也。若白通湯通脉四逆湯加人尿猪膽汁則取西方秋收之氣保復元陽則有大封大固之妙矣。後世虞天民張景岳亦極贊其功。然不能從本經中紬繹其義以闡發經方之妙。徒逞臆說以極贊之。反爲蛇足矣。

天雄氣味辛溫有大毒。主治大風寒濕痺。歷節痛拘攣緩急。破積聚邪氣。金瘡強筋骨。輕身健行。附子種不生側子經年獨長大者故曰雄也。土人種附子地出天雄便爲不利。如養蠶而成白蠶也。時俗咸謂一兩外者爲天雄。不知天雄長三四寸許旁不生子形狀各異。崇天雄附子本經主治稍異而旨則同。故不加釋。

李士材曰天雄之用與附子相仿但功力畧遜耳
李時珍曰烏頭附子天雄皆是補下焦命門陽虛
之藥補下所以益上也若是上焦陽虛即屬心脾
之分當用參芪不當用天雄也烏附天雄之尖皆
是向下其氣下行其臍乃向上生苗之處寇宗奭
言其不肯就下張元素言其補上焦陽虛皆是誤
認尖爲上耳惟朱震亨以爲下部之佐者得之而
未發出此義盧子由曰天以體言雄以用言不雜
於陰柔不惑於邪亂若夫風寒濕痺證及積聚
邪氣金瘡嫌於無陽者乃得行險而不失其正

烏頭氣味辛溫有毒主治諸風風痺血痺半身不遂

除寒冷溫養藏府去心下堅痞感寒痠痛潔古珍珠囊○附

烏頭乃初種而未旁生附子者烏頭如芋頭附子
如芋子本一物也其形如烏之頭因以爲名各處
皆有以川中出者入藥故醫家謂之川烏
李士材曰大抵寒證用附子風證用烏頭

烏喙氣味辛溫有大毒主治中風惡風洗洗出汗除

寒濕痺。欬逆上氣。破積聚寒熱。其汁煎之。名射罔殺。

禽獸。

別錄。

附。

○本經名烏頭。別錄名烏喙。今時名草烏。

○乃烏頭之野生者。處處有之。其根外黑。內白。皺而枯燥。其性大毒。較之川烏更烈。與前條。潔古所言者。不可一例用也。○王琢崖曰。草烏頭。今杭人多植於庭院。九月開花。淡紫嬌艷。與菊同。時謂之鸚鵡菊。又謂之雙鸞菊。鴛鴦菊。僧鞋菊。皆以花之形狀名之。根有大毒。與川中所出之烏頭。迥別。古時烏頭烏喙。隨時所稱。非有異也。後人以形正者。有似烏鳥之頭。其兩歧相合而生者。有似烏鳥之喙。以此別之。然形狀雖殊。主治則一。何妨混稱。隱菴恐後人以混稱誤用。或致傷人。因將烏頭判屬川烏。烏喙判屬草烏。雖屬強分。其用心大有益於天下後世。

崇原烏喙。雖亦名烏頭。實乃土附子也。性劣有毒。但

能搜風勝濕。開頑痰。破堅積。治頑瘡。以毒攻毒。究

不若附子益太陽之標陽助少陽之火熱而使神

機環轉也用者辨之

王琢崖曰草烏之毒甚於川烏蓋川烏由人力種蒔當時

則采草烏乃野生地上多歷歲月故其氣力尤爲
勇悍猶之芋子人植者無毒可啖野生者有毒不
可啖其理一也又川烏先經鹽淹殺其烈性寄至
遠方爲日稍久故其毒少減草烏未經淹製或係
現取其毒較甚盧不遠曰人病有四痺風痿厥草
烏力唯宜痺風陽行有四曰升降出入草烏力唯
從升出但陽喜獨行而專操殺業如剛愎人所當
避忌○採烏頭搗汁煎之名曰射罔獵人以傅箭
鏃射鳥獸中者立死中人亦立死日華本草云人
中射罔毒以甘草藍汁小豆葉浮萍冷水薺苳皆
可解用一

○仲氏曰今人製造酒藥凡川烏草烏

味禦之

暨各種毒品亦皆在內名曰紹興酒藥釀酒易熟
且多氣味香烈杭俗盛行而受其害者比比也古

人作酒。以麴蘖分黃白。故無毒。杭州佳釀亦然。唐人有十千兌得餘杭酒之詠。今何舍舊圖新耶。

大黃氣味苦寒無毒。主下瘀血。血閉寒熱。破癥瘕積聚。留飲宿食。蕩滌腸胃。推陳致新。通利水穀。調中化

食。安和五藏。

大黃本經謂之黃良。後人謂之將軍。以其有伐邪去亂之功力也。古時以出河

西隴西者爲勝。今蜀川河東山陝州郡皆有。而以川中錦紋者爲佳。八月采根。根有黃汁。其性滋潤。

掘得者竿於樹枝上。經久始乾。

崇原大黃味苦氣寒。色黃臭香。乃肅清中土之劑也。

其性走而不守。主下瘀血。血閉。凡氣血不和。則爲寒爲熱。瘀血下而寒熱亦除矣。留飲宿食。在於腸

胃。癥瘕積聚。陳垢不清。此皆有餘之實象。故又曰。蕩滌腸胃。推陳致新。夫腸胃不和。則水穀不通利。陳垢不去。則食不化而中不調。曰通利水穀。乃蕩滌腸胃之功也。曰調中化食。卽推陳致新之驗也。玉機真藏論云。五藏者。皆稟氣於胃。胃者。五藏之本也。胃氣安。則五藏亦安。故又曰。安和五藏。愚按。大黃抑陽養陰。有安和五藏之功。故無毒。本經名曰黃良。而列於下品者。以其下瘀破積。行洩太迅耳。後人稱爲將軍。亦由乎此。○西北之人。土氣敦厚。陽氣伏藏。東南之人。土氣虛浮。陽氣外洩。總察